

ՀԱՅԳՐԱԿԱՅԻՆ

և ԳՅՈՒՏԱՐԱՐՈՒԹՅՈՒՆ

ԶԳՈՎԻ ԿԱՐԳԱՎՈՐՈՂ ՆՈՐ ՀԱՐՄԱՐԱՆՔ

Բ. ՎԱՐԳԱԶԱՐՅԱՆ
ԻՏԺԵՆԵՐ

Կիրովականի Կապոյի անվան տրիկոտաժի ֆաբրիկայի գլխավոր ինժեներ Վ. Մանուկյանը կառուցել է ձգովի կարգավորող նոր հարմարանք՝ սեկցիոն-հինդ մեքենաների համար: Այդ հարմարանքը, որը տեղադրված է հինգագործելու ցեխում, նախատեսված է հինելու ժամանակ մետաքսյա միայնակ թելի ձգման համար:

Ֆաբրիկան ձգովի կարգավորող հարմարանքները ստացել է Գերմանական Դեմոկրատական Ռեսպուբլիկայից: Նրանք պատրաստված են եղել ճենապակուց, որը աշխատանքի ընթացքում կոտրվում էր և շարժից դուրս գալիս: Նոր հարմարանքի պատրաստման համար իբրև նյութ ծառայում է ալյումինիումը:


Հարմարանքի կոնստրուկցիան շատ պարզ է և տալիս է մեծ արտադրական էֆեկտ:

Հարմարանքը բաղկացած է ձուլած ալյումինե ուղղանկյունուց (1), որը վզիկի միջոցով միացված է կալիչին (2): Կալիչի միջոցով հարմարանքը տեղավորվում է հինդ մեքենայի հինդ շրջանակի (ШПУЛЯРНИК) ձողի վրա:

Ուղղանկյուն իրանի (1) երկու կողմերում գրտնըվում են ճենապակյա անցքեր՝ աչիկներ (3), որոնց միջոցով թելը մտնում և դուրս է գալիս:

Ուղղանկյուն ներսի մակերևույթի վրա դրվում են երկու ապակե թիթեղիկներ (4), որոնք ոմնեն հղկած նիստեր: Ներքևի թիթեղիկը տեղավորված

է այնպես, որ նրա վերևի մակերևույթը համընկնում է անցքերի առանցքի (3) հետ: Երբ թելն անցնում է երկու անցքերով, ներքևի թիթեղիկի և թելի վրայից տեղավորվում է երկրորդ թիթեղիկը: Վերևի ապակե թիթեղիկի կշիռը ապահովում է թելի անհրաժեշտ ձգումը:



Նկ. 1. Հարմարանքի ընդհանուր տեսքը:

Հարմարանքի նորմալ աշխատանքի և նրա լավագույն էֆեկտիվության համար անհրաժեշտ է պարբերաբար մաքրել ապակիների աշխատանքային մակերևույթները: Մեկ տարվա արդյունաբերական փորձարկման ընթացքում հարմարանքն արդարացրել է իրեն և ապահովել տարեկան 43 200ռ. պայմանական տնտեսում: